



Broj: 11-16.6-5699-8/15

Datum: 14. 12. 2015. godine

Na osnovu člana 64. stav (1) tačka b), člana 70. stava (1), (3) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku, u skladu sa Zapisnikom o radu i ocjeni konačne ponude broj: 11-16.6-5699-7/15 od 11.12.2015. godine, u pregovaračkom postupku javne nabavke usluga: Servis i održavanje službenih vozila marke „Škoda“ u garanciji, direktor Agencije za lijekove i medicinska sredstva Bosne i Hercegovine, d o n o s i

ODLUKU

o izboru prihvatljive ponude za dodjelu ugovora za nabavku usluga: Servis i održavanje službenih vozila marke „Škoda“ u garanciji

Član 1.

Prihvata se preporuka Komisije za javne nabavke u skladu sa Zapisnikom o radu i ocjeni konačne ponude broj: 11-16.6-5699-7/15 od 11.12.2015. godine, te se ugovor za javnu nabavku usluga: Servis i održavanje službenih vozila marke „Škoda“ u garanciji, dodjeljuje ponuđaču „Autokomerc V.S.“ d.o.o., Bulevar srpske vojske 13., 78 000 Banja Luka, JIB 4400952840005, za ponudenu cijenu od 3.904,44 KM bez PDV-a, odnosno 4.568,20 KM sa PDV-om, kao jedinom prihvatljivom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „Autokomerc V.S.“ d.o.o. Banja Luka po proteku roka od 15 dana, računajući od dana kada je jedini ponuđač obaviješten o izboru prihvatljive ponude.

Član 3.

Za izvršenje ove odluke zadužuje se Sektor za finansijske poslove.

Član 4.

Ova odluka objavit će se na web-stranici www.almbih.gov.ba istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

O b r a z l o ž e n j e

Odlukom broj:11-16.6-5699-1/15 od 25.11.2015. godine, pokrenut je postupak nabavke usluga: Servis i održavanje službenih vozila marke „Škoda“ u garanciji, putem pregovaračkog postupka bez objave obavještenja. Poziv za dostavljanje Zahtjeva za učešće u pregovaračkom postupku bez objavljivanja, upućen je ovlaštenom serviseru za servis i održavanje motornih vozila marke „Škoda“, kandidatu „Autokomerc V.S.“ d.o.o. Banja Luka, koji može da ispunjava tražene uslove u skladu sa članom 21. stav (1) tačka c) i članom 28. stav (1) Zakona o javnim nabavkama, sa datim rokom za dostavu istog zahtjeva, do 03.12.2015. godine do 12:00 sati. Tenderska dokumentacija broj: 11-16.6-5699/3; Z-JN 367/15 od 25.11.2015. godine, za nabavku usluga: Servis i održavanje službenih vozila marke „Škoda“ u garanciji, objavljen je web stranici Agencije za lijekove i medicinska sredstva BiH dana 26.11.2015.

godine. Odlukom broj: 11-16.6-5699-2/15 od 25.11.2015. godine, imenovana je Komisija za provođenje ovog pregovaračkog postupka.

Procijenjena vrijednost javne nabavke za jednu godinu bez PDV-a je 4.102,56 KM (slovima: četiri hiljade stotinu dvije KM i 56/100).

Zapisnikom komisije broj: 11-16.6-5699-4/15 od 03.12.2015.godine, na osnovu zaprimljenog zahtjeva za učešće od strane kandidata „Autokomerc V.S.“ d.o.o. Banja Luka, konstatovano je da je ponuđač kvalifikovan za pružanje tražene usluge u skladu sa zahtjevima Tenderske dokumentacije.

Aktom broj: 11-16.6-5699-5/15 od 04.12.2015. godine, upućen je poziv ponuđaču, za dostavljanje početne ponude na propisanim obrascima iz Tenderske dokumentacije, sa rokom dostave istog do 09.12.2015. godine do 12:00 sati.

Komisija je dana 09.12.2015. godine izvršila otvaranje u roku dostavljene početne ponude ponuđača „ Autokomerc V.S.“ d.o.o. Banja Luka, o čemu je sačinila Zapisnik o otvaranju početne ponude, u kojoj je ponuđač ponudio cijenu za usluge Servisa i održavanja službenih vozila marke „Škoda“ u garanciji, u iznosu od 3.904,44 KM bez PDV-a.

Nakon istog, sa ovlaštenim predstavnikom ponuđača izvršeno je pregovaranje na kojem je Komisija je sa ponuđačem razjasnila tehničke, pravne i druge aspekte s ciljem postizanja ekonomski najpovoljnije ponude za Ugovorni organ, te je ista zatražila smanjenje cijene iz početne ponude.

Ovlašteni predstavnik ponuđača izjavio je da oni nemogu smanjivati cijene, obzirom da su kao ovlašteni serviseri za vozila marke „Škoda“ dužni primjenjivati cijene za repromaterijal, rezervne dijelove i usluge servisa koje svim ovlaštenim servisima diktira proizvođač „ Škoda Auto“ Češka Republika, odnosno generalni zastupnik za BiH Asa Auto Sarajevo, te da su dužni da u toku održavanja koriste ulja, filtere i ostale rezervne originalne dijelove koje preporučuje proizvođač, a cijene istih su upravo takve kako je navedeno u početnoj ponudi Obrasca za cijenu ponude-usluge.

Imajući u vidu prethodno navedeno, Komisija je predložila da se u skladu sa postignutom cijenom u postupku pregovaranja, ponuđač „Autokomerc V.S.“ d.o.o. Banja Luka pozove da dostavi konačnu ponudu do 11.12.2015. godine do 12:00 sati u iznosu od 3.904,44 KM bez PDV-a, odnosno 4.568,20 KM sa PDV-om.

Komisija je, Zapisnikom broj: 11.16-5699-7/15 od 11.12.2015.godine, konstatovala da je ponuđač „Autokomerc V.S.“ d.o.o. Banja Luka na vrijeme dostavio konačnu ponudu uredno zapakovanu, čvrsto uvezanu, numerisanu i u skladu sa postignutim dogovorima, o čemu je sačinila Zapisnik o otvaranju konačne ponude.

Nakon toga Komisija je pregledala dokumentaciju dostavljenu uz konačnu ponudu, te utvrdila da je ponuđač dostavio sve obrasce-priloge iz Tenderske dokumentacije, zahtijevane uz konačnu ponudu i da je ponuđač ispoštovao dogovorenu cijenu sa pregovora, tako da njegova konačnu ponudu za usluge Servisa i održavanja službenih vozila marke „Škoda“ u garanciji, iznosi **3.904,44 KM bez PDV-a**, odnosno **4.568,20 KM sa PDV-om**.

Ponuđena cijena za jednu godinu održavanja je u okviru sredstava predviđenih Odlukom o pokretanju pregovaračkog postupka broj: 11-16.6-5699-1/15 od 25.11.2015. godine.

Shodno gore navedenom Komisija je predložila direktoru da u pregovaračkom postupku javne nabavke usluga: Servis i održavanje službenih vozila marke „Škoda“ u garanciji, ponudi ugovor kvalifikovanom ponuđaču „Autokomerc V.S.“ d.o.o. Banja Luka, koji je ovlašten za poslove prodaje i servisiranja marke vozila „ Škoda“ i čija ponuda za jednu godinu održavanja iznosi 3.904,44 KM bez PDV-a, odnosno 4.568,20 KM sa PDV-om.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristigle ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac Ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor prihvatljivog ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i Tenderskom dokumentacijom.

Izabrani ponuđač **“Autokomerc V.S.” d.o.o. Banja Luka**, izabran je primjenom kriterija najniže cijene, koja je ponuđena u iznosu od **3.904,44 KM bez PDV-a, odnosno 4.568,20 KM sa PDV-om**.

Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.


POUKA O PRAVNOM LIJEKU

Protiv ove odluke može se izjaviti žalba, najkasnije u roku od **10 (deset)** dana od dana prijema ove odluke.

Dostavljeno:

1. Ponuđaču,
2. Komisiji za javne nabavke,
3. Sektoru za finansijske poslove,
4. web – stranica,
- ⑤ a/a

DIREKTOR



Prim. in ph. Nataša Grubiša, spec.

Veljka Mladenovića bb, 78000 Banja Luka
Centrala: +387 51 456 040; 456 050
Faks: +387 51 450 301
E-mail: info@almbih.gov.ba
www.almbih.gov.ba

Велъка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 301
E-mail: info@almbih.gov.ba
www.almbih.gov.ba